

Mattrygggleik for velferd

Bondelagsleiar Lars Petter Bartnes peikte på samanhangen mellom mattrygggleik og velferd, under næringskonferansen «Landbruk skaper mangfold» i Molde.

■ Jane Brit Sande

Den årlege næringskonferansen «Landbruk skaper mangfold» gjekk av stabelen i Molde 3.mars. Programmet var prega av politikarar, gjerde-teknologi og verdas beste ost. Dagen var sett av til meinung, kunnskap og inspirasjon, og samla «heile» landbruket i Møre og Romsdal. Det er Møre og Romsdal Bondelag, Møre og Romsdal Bonde- og småbrukarlag og Fylkesmannen i Møre og Romsdal som arrangerer konferansen.

– Det mangfaldet landbruker skapar, er undervurdert, men blir sett på dagsordenen av Møre og Romsdal Bondelag, sa Bartnes til dei vel 180 frammøtte.

Bondelagslearen tok nok ein gong for seg landbruksmeldinga, som blir behandla i Stortinget 28. mars.



Ost i verdklasse: Gunnar Waagen, Tingvollost, gav eit lite innblikk i korleis eventyret, som starta på eitt lite bad i 2004, enda opp på seierspallen under World Cheese Awards i San Sebastian, Spania i 2016. – Ingen hjå oss er ysteteknologar. Saman er me forskjellege. Det er viktig, sa Waagen om samansettinga av involverte hjå Tingvollost.



Sunt bondevett: Lene og Øyvind Havåg, frå Herøy i Møre og Romsdal, skal ete utelukkande norsk mat i eitt år. Dei deler sine funn og erfaringar på bloggen norgesmatfat.no. For dette prosjektet vart dei tildelt Bondelagets bondevettpris under konferansen. Fem månadar gamle Levi sitt trygt på armen til far. Her saman med bondelagsleiar Lars Petter Bartnes og fylkesleiar i Møre og Romsdal Bondelag, Oddvar Mikkelsen.

– Det er første gong regjeringa skapar eit skilje mellom landbruks-politikk og distriktpolitikk. Tidlegare har regjeringa sett på dette under eitt. Landbruket er ei berebjelke for levande distrikt, sa Bartnes.

Han peikte også på samanhengen mellom mattrygggleik og velferd.

– Norges Bondelag er oppeten av berekraftig bruk av ressursgrunnlaget. Eg trur at «trygg mat»-elementet også er undervurdert som ein pilar med tanke på finansieringa av velferdsstaten framover. I Europa blir det årleg nyttta 25 milliardar kroner for å kjempa mot antibiotikaresistens. Over statsbudsjettet nyttar me nyttar me mellom 12 og 15 millionar kroner som betalast som erstatning til svinebønder, for å kjempa for at me ikkje kjem dit resten av Europa er. Mattrygghet er eit viktig forhold for velferd framover, sa han.

Lokal nyskaping, globalt biletet

Oscar Hovde Berntsen, oppfinner og nyskaper i Nofence AS, fortalte om korleis ein liten idé kan bli ganske stor.

– Det globale biletet er ein sentral del av idéutviklinga, sa han.

Nofence sitt mål er at deira beite-teknologi skal bidra til betre dyrevelferd, enklare dyrehald, berekraftig matproduksjon og betre utnytting av arealressursar i heile verda.

I staden for kilometervis med gjerder, skal dýra vere utstyrt med GPS-sendarar som varslar dyret, først med vibrasjon, så lyd og til sist med straum, om dei beveger seg utføre angitt beiteareal.

– Det handlar om å utnytte areal smartare, og å nytte den enorme utmarka som matareal.



Oppfinnaren: Oscar Hovde Berntsen, oppfinner og nyskaper i Nofence AS.

aktuelt i landbruket